

七年庚寅春正月海賊鄧耀據龍門

八年辛卯春二月總兵高進庫知府楊謨聖

至廉州議撫

九年壬辰春三月靖南王耿繼茂克復廉州

夏五月師還

秋九月撤廉屬官兵回高州駐劄

十年癸巳春正月十三日總兵郭虎知府楊

謨聖帥師復至擒僞弁周騰鳳會仲弘黃履

全等皆誅之

夏五月初四日颶風大作海潮漲溢是月十

三日官兵餉匱仍撤回高州

連年兵燹廉郡大饑斗米千錢

人民流散

秋九月西賊方朝鸞復寇靈山大肆擄掠

十一年甲午春二月海賊鄧耀作亂

三月

故明

安西王李定國從廣西柳州入高涼

道經靈山合浦縱兵屠戮

冬十二月平南王尚可喜靖南王耿繼茂大

破李定國於新會高雷廉復定

十三年丙申夏閏五月初一日高雷廉總兵  
栗養志督師來剿知府楊謨聖復至招撫三  
廉始定

秋七月土賊陳制祿梁信等作亂陷靈山城  
知縣徐尚介顧縣丞梁典史死之至十月大  
兵討平

九月巡按御史張純熙按廉考較生童重興  
學校

十五年戊戌春正月初六日龍門海寇鄧耀

擁衆攻欽州城知州俞都遊擊韓成功敗之

於江許 總兵張偉副總兵周勇奉

旨出征海寇

按廉屬自順治四年以後叛服不常兵燹頻仍至十三年雖獲底定

然才遺寥落荆榛滿目矣

十六年己亥欽州知州喻三畏招撫開墾民

漸來歸

十七年秋九月二十八日海北道方國棟總

兵張偉督兵討平龍門追擒鄧耀於廣西千

隆山寺械送誅之

是歲改定賦役全書 裁巡按衙門

十八年辛丑春正月寇黨楊二楊三復據龍

門

康熙元年壬寅 詔遷海界 內差科介二大  
人與平南王李

總督尚固山楊提督王將軍沈將  
軍栗總兵同勘遷界設立排柵

二年癸卯春正月平藩尚都統督師征剿海

寇楊二楊三宵遁

夏五月靈山縣知縣多弘安招復流亡勸墾

田地

是歲西賊黃國琳等構黨千餘流劫欽州三都四崗總兵張偉率師擒之

三年甲辰冬十月彗星見於東南

四年乙巳冬十一月二十九夜城內失火燬民居延燒尊經閣

是歲教府學訓導縣學教諭西鹽場大使珠場司巡檢長墩司巡檢靈山縣縣丞

五年夏五月巡撫王來任革除夫役日供雜派火耗

六月朔太白經天

六年丁未夏六月霖雨匝月城垣倒塌知府  
徐化民修復

欽差胡爾班佛保穆成格筆帖式吳蘭希拂至  
廉州查勘邊界

秋九月裁海北道及推官衙門 知府徐堯  
民復建尊經閣

七年戊申冬十二月兩廣部院周有德雷侍  
郎魯都統及平藩尚都統臨廉展界盡撤排

柵改設各汛墩臺

臺臣楊雍建  
條奏先行也

八年己酉設分守道轄高雷廉羅三府一州

復西鹽場大使珠場司長墩司巡檢

九年庚戌知府徐化民率州縣招撫勸墾流

亡漸復田野漸闢

十年辛亥春正月知府徐化民總兵張偉招

撫鄧耀遺孽夏雲高等一百一十九人分別

兵農安插

冬十二月界外難民歐昌盛等二百九十七

丁口聞招來歸知府徐化民欽州知州董爾  
性通報題明安插各屬故土

十一年壬子知府徐化民率屬捐修府學文  
廟 靈山大 有年

秋七月建文昌閣于砥柱磯改造海角亭

欽州知州董爾性遊擊李陞高州判周士賢  
捐俸築復欽州濠塘東基

十二年春三月修復合浦縣白龍城及欽州  
防城各汛墩臺 靈山大 有年

十三年甲寅瓊州總兵官佟國卿來廉協防  
秋九月土賊周肇梁黃四雷頭目寇欽州遊  
擊王嘉賢大破賊衆斬雷頭目于石窟村

冬十月西賊流劫靈山西鄉上及盡成焦土  
十四年乙卯夏五月高州總兵祖澤清叛總  
兵佟國卿去廉還瓊

秋七月吳逆檄追各官印劄廉屬文武多受  
僞職

八月吳逆遣僞將王弘誨李廷棟率衆陷廉